

20
1

IN FUNERE
JOANNIS BAPTISTÆ GAZOLÆ
Comitis
INSPECTORIS CÆSAREI
ELEMENTARII INSTITUTI
PROVINCIAE VERONENSIS
Carmen



VERONÆ
Ex Officina Libantea

M. DCCC. XXXIV.

Ereptum nobis crudeli morte Parentem,
Quem tenerae mirata ducem Verona juventae
In studiis, clarum queritur sibi lumen ademptum,
Pollenti celebrare lyra num Musa dolore
Icta potest nimio? incompertos temerata capillos,
Illacrimansque, et corde trahens suspiria, cantu
Non auras dulci, moestis at vocibus implet.
Ergo age, quae clangore tubae memoranda virorum
Facta refers, passim volitans, Dea, praecpete penna,
Nunc meritis dignae resonent fac undique laudes,
Quas caro Capiti, nulla dictante Camoena,
His animi, ut valuit, chartis intexit amaror.

Italiac qui scepra tenet, qui legibus aequis,
 Consilioque potens late dominatur, et armis,
 Limine Bellonae clauso, Janique bifrontis,
 CAESAR, dum vasta Imperii sub mole laborat,
 Vel juvenum meminit, regni decus unde futurum;
 Quippe illos certa ut doceant ratione magistri,
 Doctrina et varia, sanctis et moribus ornent,
 Jussit, et ingentes auri profundit acervos.
 Quin et ludi, elementa queant ubi discere prima,
 Curat quaque novi pueris pendantur in urbe,
 Electosque viros tanto praefecit honori.

Quos inter BATTUS [1] subito tunc percitus aestu,
 (Turba ex ore silens pendet glomerata profundo)
 » Quid studiis, ait, o cives, quid suavius unquam!
 » Illorum tamen est radix inamoena puellis
 » Principio; saepe hinc animumque, pedesque trahentes,
 » Suspensi invisos laevo librosque lacerto
 » Ægri adeunt ludos. Latiis occulta latebris
 » Ergo rudimenta, o! longum, cur prima docentur?
 » Qua proavus lingua, materque, paterque loquuntur
 » Eja agendum incipias; junior bibet auribus actas
 » Tunc avidis documenta: oras sic pocula circum

- » Tingit melle, puer laticem ut perpotet amarum,
» Quo valeat, genitrix. Eadem cur insuper omnes
» Edoceas! num eadem campis dat semina cultor
» Omnibus? ingeniis varia est vis insita, et una
» Nec stat sors; alios etenim ad commercia cogit
» Pauperies, humanae alios ad commoda vitæ
» Artibus augenda omnigenis natura vocavit,
» Tota olim domus inque alios onerosa recumbet.
» Hos simul excolimus longo quid tempore frustra?
» Quid digitis citharam, invita vel saepe Minerva,
» Etruscam pulsare juvet, pulsare Latinam,
» Qui expensum in tabulas referent noctuque dieque
» Posthac quod lanius petet aes, sutorque faberque?
» Seu rigidos lapides, rude sive industria ferrum
» Anne diu artificis parat? omni num arte magistra,
» Saphiros ut coeruleos, viridesque smaragdos
» Expolit, aut pretiosa argenti aurique metalla?
» Scilicet illa, quibus surgunt innixa domorum
» Tecta, latent; his at circum decorata renident
» Tempa, caput regum, et vestes, et colla, manusque,
» Et solia, et mensae, aularum et laquearia fulgent,
» Heroumque nitent veterum spirantia signa.

» Quot nulla heu! contra natorum cura parentes
 » Tangit, et indoctos citiusque laboribus urgent!
 » Proli stultum genus! infelix nam transigit aevum
 » Errorum in tenebris, nunquam si culta juvenus;
 » Quin lucro minus apta inopem traducere vitam
 » Vix poterit; vitium heu! tandem male sana fovebit;
 » Quippe solet doctor teneras effingere mentes
 » Moribus: atque adeo in teneris consuescere multum est.
 » Namque semel quo imbuta recens, servabit odorem
 » Testa, neque amissos fuco medicata colores
 » Lana refert. Quid plura loquar? fortuna peribit
 » O! fallax nimium, at studio juvenilibus annis
 » Utilitas percepta manet, semperque manebit.
 » Discendi, eja igitur, cives, antiqua recedat
 » E ludis ratio, ac pueros nova jam educet omnes.
 » Sic amat, et tanto decorat vos munere CÆSAR.
 Dixerat, atque operi Praeses sua jussa capessit.

Ergo, BATTE, opibus quem clarum et sanguine avito,
 Signantem [2] nec adhuc roseas lanugine malas
 Aonio Pallas perfusum labra liquore
 Duxit Pieridum sacros lustrare recessus,
 Pomifera et Sophiae [5] loca, et Artium amoena vireta;

Unde avido pulcri verique cupidine raptus
 Occultas rerum [4] gaudes cognoscere causas,
 Fatidico aut quondam fuerant quae Davidis ore,
 Hebraeae et fidibus citharae modulata canoris,
 Doctus ad Etruseas [5] deducere carmina Musas:
 Quem toties longi terraeque marisque labores
 Erudiere satis, decus his Patriaeque tulisti;
 Quem Rex [6] Gallorum titulis et honoribus auxit,
 Cui et consilium, et mens alta, et plurima virtus
 Insidet: o! parvis adeo dignabere coeptis!
 Praesideas pueris! animi benefacta superbi
 Publica ne temnant; sapiens nam despicit illos.

At Tibi, curarum premeris dum pondere tanto,
 Temporis ecquid erit? studio nam quae undique tellus
 Marmora [7] fert collecta tuo, et, genus omne, metalla,
 Et quot habet miris acquor variata figuris
 Ingenti devecta procul conchylia sumptu,
 Eruta Vulcanis et muta animantia saxis,
 Visere quae Proteus montes quondam egerat altos,
 Aedibus urbanis mentemque animumque fatigant;
 Nuncia ubi externis quos fama vocavit ab oris,
 Nec non et [8] Reges, statuunt qui dona quotannis,

Obstupuere omnes, novitatis imagine capti.
Nec satis haec; tua nunc, hominum consortia vitans,
Omnigena antiquis praeclara volumina chartis
Nocturna versare manu, versare diurna;
Nunc Musam, testes, celeberrima turba, sodales,
Tuscis [9] exercere modis, et divite vena;
Nunc ad sidera ferre, virum plaudente corona,
Qui tabulis [10] inserta tenent tua nomina, pleno
Verborum numero socios, atque inclyta facta.
Quo res te poscunt variae, huc percurris et illuc,
Seu pia templa [11] colas, urbis seu [12] munia tractes,
Fratres sive vocent cari, dulcesve Nepotes.
Non mora, non requies datur ulla: supervenit undam
Haud secus unda mari, hanc alia; et rapido aethera cursu
Terras volvuntur circum noctesque diesque.
Attamen haec inter puerum tua maxima cura
Sunt studia, haec inter pueri tua sola voluptas.
Sol ita dum coelum, et montana cacumina, et urbes
Lumine collustrat, turres regumque superbas,
Oceani radio tremulis dum ludit in undis,
Ornat alitque simul virgulta in vallibus imis,
Atque rosas pingit, violas, et lilia, vestit

Quin variis sic florea prata coloribus, impar
Regius ut longe fuerit Salomonis amictus.

Jam coëptum exsequitur munus felicibus ausis;
Adsistunt comites circum Vis fervida mentis,
Virginitas, pietatis Amor cui sanctus adhaeret,
Cura vigil, Labor et constans, Roburque virile,
Ac rebus dexter Modus, et Prudentia cana.
Jam fervescit opus, perquirit ubique magistros,
Accivique sibi, et facili devinxit amore,
Omnibus accenditque ignes. Jam parva sub ipsis
Principiis studia et vires et pabula sensim
Suscipiunt, Patriae et vicos diffusa per omnes.
Scilicet innumeri discunt elementa puelli,
Agricolae et discunt, et prima aetate puellae.
Haud aliter parva interdum super aethera nubes
Tollitur Oceano, paullatim et crescit eundo;
Hinc passim rident, effusis imbribus, horti,
Arida prata bibunt, late campique virescunt.
Sedulus ut pucrùm properet tot visere coctus
Nunc referam? dulcis modo laude, hortatibus ipse
Hos trahit, haud asper dictis modo corripit illos.
Cordis quippe aditus molles, et tempora fandi

Noverat, ac labiis risus, vultusque decora
Majestas inerat: miscens sic dulcia amaris
Omne tulit punctum. O! quoties audire puellōs,
Certatim referunt avido qui prima petenti
Ore rudimenta, in memori jam condita mente,
Gaudet! non videas ita, cum vix fingere voces
Primas incipiant nati, gaudere parentes.
Laetitia o! illi nova, terque quaterque benignus
Rex invisere cum ludos dignatus in urbe,
Delicias sibi; Cui viridis libare juventae
Fructus praebet ovans: dat hero ceu mitia poma,
Quae labor eduxit, redeunti cultor agelli.
Illius exarsit nostri quae flamma medullas
Carminē praeteream? nos ore oculisque gerebat,
Et corde in medio; multis nos usque juvabat
Officiis, toties nobisque solebat adesse,
Versarique simul, curarum dulces levamen.
Nam facie, alloquiisque suis quid gratius unquam?
Purpureis frontem depicta coloribus almam
Ut cum oriens Aurora vehit mortalibus aegris
Exoptata diem, pallentes dimovet umbras,
Et coelum recreat diffuso lumine, et orbem:

BATTI frons hilari, sermo lepidisque refertus
 Verbis, quae nobis fastidia longa diei
 Saepe molesta nimis fert parva et mobilis aetas,
 Pectore sic fugat e toto, mentemque serenat.

Eheu! tanta Viri at lux occidit: effera morbi
 Vis premit, incursu horrendo [15] quatit ilia tussis.
 Proh dolor! aeterno clausit sua lumina somno.
 Heu! moriens, BATTE, heu imples quanto omnia luctu!
 Virtutum alma cohors fuis per colla capillis,
 Quando parem inveniam? lacrimis clamavit obortis;
 Artes ingenuae, et doctae flevit Palestrae,
 Aonidumque suo gemuit cum Principe coetus;
 Ac, Regis quae munera obit, manus ipsa Virorum
 Tristia honorifico comitatur funera fletu;
 Quos pone et pueri et juvenes longo ordine ducti
 Orantes querulis implebant vocibus auras.
 Sed carum in primis dolet indiga turba parentem,
 Quem nunquam splendor decepit fulgidus auri,
 Praesidium viduis auro, natisque misellis.
 Audiit haec Athesis, qui e gurgite sustulit alto
 Algosum caput; huc illuc et lumina torquens,
 O! Verona, ait, ingeniis quondam inclyta doctis,

Nunc heu! pene exhausta viris, aequare dolorem
 Quis poterit dictis, tua qui jam corda perurit!
 Turpem disentiât molli studiosa Juventus
 Pectore segnitiei, vetus ac tibi gloria surgat.

Nulli flebilior, toti qui flebilis urbi,
 Quam nobis tamen, o animae pars maxima nostrae.
 Sed quorsum lacrimae? meliori praeditus aevo
 Vivit adhuc, coeli aeternum fruiturus in aula;
 Quin nostri et memor inde bonis nos spectat ocellis.
 Illius o! votis, prosint quibus omnia quaeque
 Elicit, et BATTUS ^[14] multos sit Praeses in annos
 Alter, qui sua nunc primo vestigia gressu
 Insistit, casu et tristes solatur acerbo.

HOC DOLORIS MONUMENTUM

I. R. ELEMENTARII PUERORUM INSTITUTI

RECTOR ET PRÆCEPTORES

EXTARE VOLUERUNT.

ADNOTATIONES

- [1] Ab Imper. Rege nostro FRANCISCO. I. renunciatus fuit Inspector Provincialis postridie Kal. Febr. anno M.DCCC.XX., a quo munere sola mors potuit illum divellere. Die autem decima Aprilis anno M.DCCC.XXI., qua primum Veronae Elementariae Scholae institutae fuere, in Regiae Delegationis Aedibus de earumdem methodo, atque utilitate publice disseruit.
- [2] Patres Societatis Jesu a puero praeceptores litterarum, ac philosophiae, morumque habuit. quam studiorum institutionem Bononiae incubatam, dirempta Societate, domi suae absolvit, magistro Aloisio Fortis Veronensi, universae postea Societatis Praeposito.
- [3] Quam sapienter Naturae Historia, optimisque Artibus excultus fuerit, quibus juvenili jam aetate studuerat, hoc habeas luculentissimum argumentum. Reginus Gubernator Venetus Comes Inzaghius ad Gazolam nominis tantummodo celebritate permotus humanissimas litteras propria manu conscriptas misit, rogans ut quidquid in omni rerum genere vel pulcri vel rari tota Veronensis praeseferet provincia, ex ordine describeret, FRANCISCO I. offerendum, quum Veronae anno vertente M.DCCC.XXII. Europaeum Concilium haberetur. Quam quidem Descriptionem unius mensis spatio mirifice confecit. cujus adhuc extat exemplum.
- [4] Physicis disciplinis sedulam navavit operam; quarum Instrumenta, aere proprio comparata, aliquot post annis Lyceo Municipali dono dedit; ubi circa marmoream illius Effigiem, in medio Atrii pariete ante fores sitam, haec leges: *Ioannes Ba-*

*ptista Gazola Instrumenti Physici Largitor. Ex Decr. Reip.
anno M. DCCC. II.*

- [5] Typis Mainardi Veronae anno M. DCCC. XVI. dedit Opus, inscriptum:
Salterio Ebraico Versificato; italicae Interpretationi inhaerens
ejus familiarissimi Iosephi Venturii, linguarum Orientalium
peritia inter nostrates celeberrimi. Huic addendum et aliud,
anno M. DCCC. XXI. Veronae ex typographia Libantea editum, cui
titulus: *Vita di Davide ed illustrazione dei Salmi Cronolo-
gicamente disposti.*
- [6] Ludovicus XVIII. Francorum Rex, qui jam Veronae hospitio
Gazoliani Viridarii exul sub Comitum Provinciae nomine usus
fuerat, Gazolam, Europam peragrantem, Parisiis quam benigne
excepit, et regia donavit Imagine, atque etiam LEGIONIS HO-
NORIS COMMENDATOREM creavit.
- [7] Ex pretiosis marmoribus, et metallis, et conchyliis Collectio, quam
ipse veluti perfecit, indigenis advenisque satis cognita. at quae
ex Ichthyolithis e Bulca effossis, principem in tota fortasse Euro-
pa obtinet locum. Quam vero probe Ichthyolithologiam calleret,
ejus Animadversiones in Epistolas eruditionis plenas, quas For-
tis Vicetinus et Testa Romanus sibi invicem scripserant *de Pesci-
bus Fossilibus*, luculenter ostendunt; quae habentur in Opusculo
typis Ramanzinianis Veronae impresso anno M. DCC. XCIV. hoc
titulo: *Lettere recentemente pubblicate sui Pesci Fossili Vero-
nesi con Annotazioni inedite agli Estratti delle medesime.*
- [8] Gallorum Imperator Gazolianum Musaeum olim admiratus, in-
tegram ex Ichthyolithis Collectionem pro desiderio a clarissimo
Viro dono retulit: cui annuam amplissimae pecuniae largi-
tionem decrevit. Ipse vero alteram Collectionem et redegit, et
locupletavit.

- [9] Pleraque Etrusca carmina, quibus domesticos intra parietes se suosque familiares interdum recreabat, magna venustate referta, nondum in lucem prodire.
- [10] Societatibus nostris, quarum alteri ab Agricultura et Commercio et Artibus, alteri a Pictura nomeu est, identidem praefuit. Orationes italico sermone exaratae, quas ibi publice habuerat, jam publici juris factae sunt. Item in Accademiis Moscuæ, Berolini, Parisiorum, Nauporti, Mediolai, Mantuae, aliasque plures cooptatus.
- [11] In D. Ambrosii pago Verouensis regionis tum opera, tum liberalitate sua de anniversaria maxime indulgentia, quae prima et secunda die Augusti, frequentissimo populo undique confluent, celebratur, est optime meritus.
- [12] Gazolan Adsessores inter sibi Municipium adscivit, legatumque publica de re Parisios misit, et res illi bene successit. Unus ex IV. Viris in Lycei nostri Administrationis Officio se praeclare gessit. In Provincialis Congregationis Conlegas adlectus. quo in honore decessit.
- [13] Pectoris hydrope confectus, Christiana ope et religione sua sustentatus, xi. Kal. Majas anno M.DCCC. XXXIV diem supremum placidissime obiit, natus Veronae Nonis Jan. anno M.DCC.LVII., ac funere elatus est splendidissimo.
- [14] In ejus locum Nob. Joannes Baptista Fumanellius paucis abhinc diebus suffectus est.



